



МОНГОЛ УЛСЫН
ЭРҮҮЛ МЭНДИЙН САЙДЫН
ТУШААЛ

2019 оны 04 сарын 12 өдөр

Дугаар А/177

Улаанбаатар хот

Мэргэжлийн үйл ажиллагаа эрхлэх
зөвшөөрөл хүчингүй болгох тухай

Монгол Улсын Засгийн газрын тухай хуулийн 24 дүгээр зүйлийн 2, Өмнөговь аймаг дах Сум дундын эрүүгийн хэргийн анхан шатны шүүхийн 2018 оны 10 дугаар сарын 01-ний өдрийн 2018/ШЦТ/164 дугаартай шийтгэх тогтоол, Өмнөговь аймаг дах Шүүхийн шийдвэр гүйцэтгэх газрын 2019 оны 3 дугаар сарын 20-ны өдрийн 01/387 тоот албан бичгийг тус тус үндэслэн ТУШААХ нь:

1. Хүний их эмч Отгонбаатарын Нямцэндэд олгосон ИЭТ0006769 сери, 0006769 дугаартай эмчлэх үйл ажиллагаа эрхлэх зөвшөөрлийг 2018 оны 10 дугаар сарын 01-ний өдрөөс нэг жилийн хугацаагаар хүчингүй болгосугай.

2. О.Нямцэндийн эмчлэх үйл ажиллагаа эрхлэх зөвшөөрлийг хүчингүй болгосонтой холбогдуулан дор дурдсан арга хэмжээг авч ажиллахыг Эрүүл мэндийн хөгжлийн төв /Д.Ганцэцэг/-д үүрэг болгосугай:

2.1 Эмчлэх үйл ажиллагаа эрхлэх зөвшөөрлийг нэг жилийн хугацаагаар хүчингүй болгосон тухай мэдээллийг эрүүл мэндийн ажилтны нэгдсэн санд бүртгэж, Эрүүл мэндийн хөгжлийн төвийн цахим хуудсанд байршуулан нийтэд мэдээлэх;

2.2 Эмчлэх үйл ажиллагаа эрхлэх зөвшөөрлөөр ажиллах эрх үүстэл буюу 2019 оны 10 дугаар сарын 02-ны өдөр хүртэл мэргэжлийн үйл ажиллагаа эрхлэх зөвшөөрлийн шалгалтад бүртгэж, оруулахгүй байх;

2.3 Эмчлэх үйл ажиллагаа эрхлэх зөвшөөрөл хүчингүй болгосон талаар тус яамны дэргэдэх Эмнэлгийн мэргэжилтний ёс зүйн хяналтын хороо /Д.Цэрэндагва/, Яаралтай тусламж судлалын мэргэжлийн салбар зөвлөл /О.Оюунбилэг/, Өмнөговь аймгийн Эрүүл мэндийн газар /Ц.Өнөржаргал/, Өмнөговь аймаг дах Шүүхийн шийдвэр гүйцэтгэх газар /Я.Батгэрэл/-т албан бичгээр тус тус мэдэгдэх.

3. Энэхүү тушаалын хэрэгжилтэд хяналт тавьж ажиллахыг Төрийн захиргааны удирдлагын газрын дарга, Эмнэлгийн мэргэжилтний зөвшөөрлийн зөвлөлийн дарга /Б.Цогтбаатар/-д даалгасугай.

САЙД



Д.САРАНГЭРЭЛ

080698